



REPUBLIKA E SHQIPËRISË  
AGJENCIA E SIGURIMIT TË CILËSISË NË ARSIMIN E LARTË  
BORDI I AKREDITIMIT

VENDIM

Nr. 31, datë 22.04.2022

PËR

AKREDITIMIN E PARË TË PROGRAMIT TË STUDIMIT TË CIKLIT TË PARË  
BACHELOR NË “GJUHË ITALIANE”, TË UNIVERSITETIT “ISMAIL QEMALI”,  
VLORË

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr.1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 22.04.2022, në kuadër të vendimmarrjes për akreditimin e parë të programit të studimit të ciklit të parë, Bachelor në “Gjuhë Italiane”, me të dhënat si më poshtë:

- a) Emërtimi i programit: Bachelor në “Gjuhë Italiane”
- b) Cikli i studimit: Cikli i parë
- c) Akti zyrtar i hapjes/licensimit: Shkresë e Ministrit të Arsimit dhe Shkencës Nr. 2234, datë 17.06.2002
- d) Institucioni që e ofron: Universiteti “Ismail Qemali”, Vlorë
- e) Njësia bazë përgjegjëse: Departamenti i Gjuhëve të Huaja
- f) Kohëzgjatja (Vite/ semestra): 3 vite/6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti “Ismail Qemali”, Vlorë
- j) Niveli i diplomës në kuadrin e Kornizës Shqiptare të Kualifikimeve: Niveli 6

**pasi mori në shqyrtim:**

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Raportimin e Ekspertëve të Vlerësimit në mbledhjen e Bordit;
- e. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;

**konstaton se:**

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimit të ciklit të parë “Bachelor”* dhe cilësinë e ofertës akademike të programit të studimit është **“i përmbush kryesisht standardet”**, me mangësitë si më poshtë:

1. Mungesa e një strukture të qëndrueshme dhe e një databaze të plotë, të ruajtjes së lidhjeve me ish-studentët, si një burim të dhënash për punësimet aktuale të këtij programi ose si një mundësi për të vjelë prej tyre njohuri rreth ndryshimeve në kurrikul, në përputhje me nevojat aktuale të tregut të punës.
2. Mungesa e organizimit të trajnimeve të vazhdueshme për personelin akademik, me qëllim që pedagogët të jenë të përditësuar me metodat inovative të mësimdhënies edhe në funksion të sigurimit të cilësisë në mësimdhënien e programit të studimit.
3. Mungesa e infrastrukturës laboratorike për zhvillimin e lëndës së *Interpretimit* dhe mungesa e *software-ve* specifike në laboratorin ku zhvillohet lënda e *Përktimit*.

*Mbështetur mbi rezultatet dhe arsyetimin e mësipërm, Bordi i Akreditimit,*

**VENDOSI:**


1. Vlerësimin përfundimtar **POZITIV** për programin e studimit **Bachelor** në **“Gjuhë Italiane”**, të **Universitetit “Ismail Qemali”**, Vlorë, me rekomandimet sipas shtojcës së këtij vendimi.
2. **Akreditimin** e programit të studimit me kohëzgjatjen prej **4 (katër) vite**.
3. Afati përfundimtar i vlefshmërisë së akreditimit të programit të studimit është **21/04/2026**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

### BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar

DARINKA PIQANI




Anëtar

DRITAN NAÇE



Anëtar

INDRIT HOXHA



Anëtar

## Shtojca

Rekomandimet në zbatim të vendimit të Bordit të Akreditimit Nr. 31, datë 22.04.2022, “Për akreditimin e parë të programit të studimit Bachelor në “Gjuhë Italiane”, të Universitetit “Ismail Qemali”, Vlorë, janë si vijon:

1. Institucioni, të rrisë gamën e ruajtjes së lidhjeve me rrjetin Alumni dhe të gjenerojë forma të tjera të përfshirjes së tyre konkrete në aktivitetin e tij akademik dhe kërkimor përveç atyre ekzistuese, duke i kushtuar një rëndësi të veçantë krijimit të një databaze të plotë.
2. Institucioni, të organizojë trajnime të vazhdueshme për personelin akademik, me qëllim që këta të fundit, të jenë gjithmonë të përditësuar me metodat inovative të mësimdhënies.
3. Institucioni, të sigurojë infrastrukturën e nevojshme laboratorike dhe mjetet *software-ike*, për realizimin me sukses të lëndëve të *Interpretimit* dhe *Përkthimit*.
4. Institucioni, të rrisë gamën e metodave dhe instrumentave që përdoren në kuadër të vlerësimit e sigurimit të cilësisë, në këtë program studimi.
5. Institucioni, të marrë masa për ngritjen e Komisioneve të Përhershme të Sigurimit të Cilësisë, siç parashikohet nga Statuti i universitetit dhe aktet ligjore në fuqi, si edhe të hartojë një rregullore për sigurimin e brendshëm të cilësisë.
6. Institucioni, në të ardhmen të shohë mundësinë e rishikimit të kurrikulës së këtij programi studimi, për të pasur një raport më të drejtë mes lëndëve të gjuhësisë dhe lëndëve që e ndihmojnë studentin të marrë njohuri të tjera të rëndësishme të kulturës së gjuhës së huaj, në përputhje me konstatimet e grupit të vlerësimit të jashtëm në raportin e vlerësimit të jashtëm.

Në përmbushje të rekomandimeve të mësipërme, **Universiteti “Ismail Qemali”, Vlorë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

